



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicoꝝ Per Germaniam, Belgivm,
Galliam, Hispaniam, Italiam, Aliasqve Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt LXXI. S. Albani Collegivm Cathedrale Namurcense, in Belgio.

urn:nbn:de:hbz:466:1-11227

cum Aquas miserunt, vt quæreret Sanctæ Magdalenæ reliquias, easque Vizeliacum adferret. Itaque Sacras ille reliquias inter rudera inuenit in Mausoleo, cuius sculptura vitam Sanctæ Magdalenæ artificiosè continebat; quinquennio tamen ibi mansit in reparandis sacris locis assiduè laborans. Quo tempore euoluto, post orationum & ieiuniorum præsidium, Mausoleum piè violauit, & corpus Sanctæ Magdalene mirè fragrans Vizeliacum transtulit, eiusque brachij partem Luthofanis attulit. Natalem celebrât Luthofani die octauo Octobris, & corpus à duobus Canonicis in processione defertur. Vizeliaci autem creditur esse Brachium Sancti Badilonis, quo multi à dæmone correpti confluunt & inde liberati redeunt. Ita Molanus libro citato.

CAPVT LXXI.

§. ALBANI COLLEGIVM CATHEDRALE
Namurcense, in Belgio.

ALBERTVS II. Comes Namurcensis, collegiū istud Canoniorum, reiectis monachis instituit, vt tradit Ioannes Placentius in Catalogo Episcoporum Leodiensium, agens de VVafone XXIII. Antistite.

Est autem illud fundatum anno millesimo quadragesimo septimo à dicto Comite Alberto, vt in vetustis membranis me legere memini.

Collegi -

Collegium istud auxit ac dotauit Fridericus Imperator. Idem præcepit Canonicis Namurcensibus, vt decreta Reformationis à Guidone olim Abbate Cisterciense tunc Cardinale & Legato Apostolico, Canonicis Leodiensibus præscripta sedulò obseruarent. Extant ea decreta tomo secundo Rerum Leodiensium per Ioannem Chappea villium edito.

In eadem Vrbe Namurcensi est aliud Canoniorum Collegium *Beatae Mariae* sacrum, cuius templum volunt à S. Materno primo Tungrorum Episcopo consecratum.

Fuit & Collegium Canoniorum *S. Petri* in arce Namurcensi, quod nunc est vnitum cum collegio cathedrali *S. Albani*.

C A P V T LXXII.

S. ANDREAE COLLEGIUM FRISINGENSE in *Bauaria*.

S Andreae AEdem *Ellenhardus*, Pontifex Frisingensis, ope & consensu Henrici quarti Imperatoris dedicauit; cui *Ellenhardo* *S. Benedicti Burensis* templum Cæsar tradidit. Quod tamen post mortem *Ellenhardi* rursus immunitate donauit, circa annum millesimum quinquagesimum: *Auentino* teste in *Annalibus*.